

Broj: 01-1007/17
Zenica, 12.09.2017.g.

**KOMPANIJAMA SA PODRUČJA
ZENIČKO-DOBOJSKOG KANTONA**

PREDMET: Informacija o sprovođenju obuka nezaposlenih osoba

Poštovani,

Komora je nakon višemjesečnih pripremnih aktivnosti, otpočela u februaru 2017. godine sa realizacijom projekta **"Jačanje sistema srednjeg stručnog obrazovanja u ZDK"** koji se implementira u okviru Programa Prilika Plus, podržanog od strane Vlade Švicarske. Navedeni **Projekat se primarno realizira u dva pravca**, i to:

- 1) unapređenje praktične nastave za učenike u srednjim stručnim školama i to inoviranjem postojećih nastavnih planova i programa;
- 2) pokretanje programa prekvalifikacije i dokvalifikacije odraslih nezaposlenih osoba za potrebe metaloprerađivačkog sektora i sektora tekstila, kože i obuće.

Projektnim sredstvima se već opremaju radionice u četiri pilot srednje stručne škole (Zenica, Kakanj i Tešanj) sa ciljem unapređenja praktične nastave, u ukupnom iznosu od 263.547,00 KM, što u potpunosti, putem ovog Projekta, finansira Vlada Švicarske.

Istim sredstvima realizira se i obuka 20 kandidata za zanimanje zavarivač, 10 kandidata za zanimanje CNC operater i programer, te 30 kandidata za zanimanje šivač, a u projektne aktivnosti se aktivno uključuju i proizvodne kompanije sa područja Kantona, koje izražavaju spremnost za zapošljavanje obučenog i prekvalifikovanog kadra.

Prva grupa zavarivača (4 kandidata) koja je završila praktičnu obuku na Institutu u Zenici i atestaciju na Institutu u Tuzli, zaposlena je u kompaniji RM LH Zenica, a trenutno je u toku praktična obuka za drugu grupu (4 kandidata) nezaposlenih zavarivača. Obuka za prvu grupu (5 kandidata) CNC operatera i programera, treba da počne uskoro. Nakon završene teorijske obuke 30 kandidata za zanimanje šivač, započet će i njihova praktična obuka, nakon čega će kandidati biti zaposleni u kompaniji Koteks Tešanj.

U vezi sa navedenim, molimo Vas da iskažete svoje interese za zapošljavanjem zavarivača i CNC operatera i programera, koji će proći obuke planirane ovim Projektom, te nas o istom obavijestite.

Za sve dodatne informacije stojimo Vam na raspolaganju, kontakt osobe: Diana Babić, i Melisa Džampo, putem telefona: 032/405-160.

S poštovanjem,



PREDSJEDNIK

doc.dr.sci. Šefkija Botonjić